



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. LXIV. Alexander Albanvs Urbinas.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)



No. LXIV.

ALEXANDER ALBANVS URBINAS.



Lexander S. Mariæ in Cosmedin Cardinalis Albanus Urbinas, Cardina-
lis Alexander nuncupatus, natus est Anno 1693. ex celeberrimâ Alba-
norum familiâ, quæ tria præclara sydera nostra hac ætate Orthodoxo
orbi dedit: Clementem XI. Albanum Pontificem Maximum, Anniba-
lem & Alexandrum Albanos, tanto patruo dignissimos nepotes. Illustrissimi Al-
bani Græcæ originis sunt; nam ex Albaniâ, turcarum armis pulsi, in Italiâ suæ se-
dem Sapientiæ fixerunt. Ibi in duas stirpes abibant, quarum una apud Bergomen-
ses, altera Urbinate inter inclarescet. Ex Bergomensi Lineâ progressus fuerat
Joannes Hyeronymus Albanus, sua ætate jurisperitus omnium longè celeberrimus
visus. Et tamen Vir insigniter doctus, Martem sequebatur: In eo videlicet ge-
nerosus sanguis ebulliebat, ut fortissimâ dextrâ gladium in Turcarum jugulis defi-
geret; Militari coronâ gloriosè donatus, ad forensia civilis regiminis munia redi-
bat; nam Excellentissima Venetorum Republica Urbem Bergensem Viro cla-
rissimo regendam comittebat. Verùm ille in civili æquè ac militari Republicâ
probè exercitatus, ad Sacram aspirabat: & quounque se vertebat, sumus appare-
bat. Pius V. Sacræ Fidei Zelatorem mirificum, Romam ad se evocabat; nec e-
tiam, conjugi sua amissâ, aliam quam Ecclesiam Sponsam Hyeronymus ambiebat.
Hinc Anno 1570. Sacro Purpuratorum Collegio adlegebatur, ubi dubium relin-
quebat, an majus decus Purpuræ inferret, aut ab eâ ipfem mutuaret. Planè Pio
V. Sanctitatis sydere, oculis mortalium anno 1572. subducto, propè erat, ut ad Di-
vi Petri Cathedram Albanus evehetur: Solum id obstatre vîsum, quod tres filios
Joannem Baptîstam, Franciscum, & Dominicum, legitimo thoro progenitos habe-
ret; unde in Gregorium XIII. Sacri Senatus vota denique consipirabant. Tres
illi Hyeronymi, ut dixi, filii, suâ commendati prudentiâ inter Romanos Senatores
assumebantur, Patres Patriæ facti, & Romanæ Magnitudinis comparticipes. Ve-
rûm adhuc multò felicior Joannes Hyeronymus, in literario partu suo, in oculis
orbis relicto, exstitit, & insignis ille tractatus de Immunitate Ecclesiastica, quem Ju-
lio II. Anno 1553. inscripsierat, nec non alii tractatus de potestate Papæ & Concilii:
de donatione Constantini: de Cardinalatu &c. magni viri nomen perpetuò lo-
quentur. Nec minus Urbinate Albani inclita sui famâ nobilitabantur. Horatius
Albanus Eminentissimi nostri Purpurati Alexandri Proavus, Vir eximie doctus,
ab Urbano VIII. Barberino Senatoribus & Patriis Romanis, Patriæque Patribus ob
præclarâ merita annumerabatur: cujus uxor Olympia Stacoli, altera veluti Bere-

Aaa

cynthia

cynthia futura, & majorum gentium Deos progenitura, quindecim Proles mundo dedit. Carolus Albanus Alexandri Avus apud Carolum Barberinum Sacrae Romanæ Ecclesiæ Cardinalem Primum Camerarium agebat, cuius frater Hannibal Albanus à prædicto Urbano VIII. Vaticanæ Bibliothecæ præficiebatur, eò quod doctrina prorsus insignis reperiretur. Horatius Albanus Alexandri Clarissimus Pater suis in prolibus felicissimus erat. Namque is progenuit *primo* Hannibalem, natum anno 1682. die 13. Augusti, cuius insignia in Christianam Rempublicam merita pagina 52. expoluimus: *Secundo* Carolum Albanum, Principem de Soro, quem Carolus VI. Romanorum Imperator anno 1719. Sacri Romani Imperii Principem denominavit. Is Principum gemâ merito nuncupandus, ex calculi doloribus anno 1724. gravissimè decumbebat: cùm de ejus vitâ actum omnes crederent, nisi sectionem pateretur, semet Ordinationi Dei & Medicorum consilio penitus permittebat; verùm cùm ea incisio sub tempùs matutinum die 31. Maij facta fuisset, postera die horâ VIII. funus erat, ob insignes animi doles eò magis deplorandus Princeps, quod atrox libitina pretiosissimæ vitæ filum ætatis suæ anno XXXVII. nimis quam mature abrupisset. *Tertio* genitus est Alexander Albanus, quem hic reserimus. Demum filia Horatii unica Maria Grazia erat, quæ Institutum Monialium de monte Carmelo professa, in Honorem Clemens XI. Annibalis, Caroli, Alexandri, & Mariæ gloriosissimus Patronus grandibus meritis suis totum complectebatur orbem. Statim ac ad Sacram Cathedram ascenderat, Cardinalem Tournonum ad Sinenses allegaverat, ut quod loco res Sinensis esset, in illa relationum discrepantiâ penitus dignosceret; immò Divinæ Providentiae rem maximè arduam committendo, anno 1714. die 19. Martii definitiâ sententiâ, intrepidus Athleta rem aggrediebatur, quæ cum maximos motus in Sinarum regno excitatura videretur, colesti tamen indubie auxilio factum, ut Aula Sinensis eâ declaratione factâ nullatenus offenderetur. Nec minus intrepidus hic Pontifex in Quesnelli errores, ejusque propositiones centum est unam, licet causæ pessimæ Patroni non defesse viderentur, generosè detonabat. Solemnibus quibus cunque tractatibus, inter Europæ Principes initis, fortiter reclamabat, si quidquam in iis contineri reperiret, unde Sacrae Sedis Jura, & Orthodoxæ Ecclesiæ incolumitas laderetur. Ad Abyssinos novos è Franciscanâ Familiâ Missionarios mittebat, & lætissimis inde nuntiis recreabatur. Idem quadringentas puellas Romanas suis expensis honesto nuptui collocaverat. Ad bellum Turcicum ex Apostolico ærario ingentem pecuniaë vim Cæsari subministrabat. Cùm annonæ caritas in Italiâ esset, duo millia villicorum, qui ex agris, fame urgente, Romam con fugerant, liberali manu alebat. Pium V. Andream de Avallino, Felicem de Cantalicio, & Catharinam de Bononiâ Sanctorum fastis inferebat. Toto quo sed erat tempore septuaginta Sacrae Romanæ Ecclesiæ Cardinales creabat, tot videlicet, quot ex Bullâ Sixti V. simul esse possunt. Cui itaque mirum videatur, si tam præclarum Patrum natus Alexander Albanus, sub ejus grandæva disciplinâ maximus evaserit? Adolescentiam vixdum egredius, ab inclito Equitum Melitensium Ordine anno 1709. non modò inter suos adoptabatur, verùm etiam Magnus Prior Armeniae dicebatur. Alter videlicet Alexander Macedo futurus, qui in Orientales plagas generosas curas extenderet. Eodem anno Annibal Albanus sui simillimum fratrem Bononiam secum ducebatur, ut Fridericum IV. Daniæ regem, quem laudabile pulcherimæ Italiae perlustrandæ desiderium ex ipsis usque quaque Septentrionalibus plagiis in Occidentales Oras evocaverat, Pontificis nomine salutaret, & unâ invitaret, ut ne Romam principem Orbis Urbem, cùm reliquam Italiam viseret, præteritam vellet. Anno 1710. Aedes Albanæ, in po-

mœrio

moerio extra urbem prope Ecclesiam Sancti Sebastiani ædificatæ , eorum Principum insigni pietate , pro novâ Ecclesia Divo Fabiano dedicandâ , destinabantur. Anno 1711. sub disciplinâ R. R. P. P. Societatis JESU in Seminario Romano prorsus egregios Alexander progressus faciebat ; sed Horatio Albano parente magno Romanæ Urbis luctu Anno 1712. elato , ad fraternas ædes Annibalis Albani transferebatur. Anno 1713. Clericus de Camera à Clemente XI. ejus ingenio nepotis multum delectato , nuncupabatur. Anno 1716. Humoristarum (ut vocantur) Academia eximiæ Prudentiæ Principem in Caput eligebat. Tunc ille longè celeberrimum Musæum instruebat , in quo , quidquid antiquitas rarum & carum habet, reponebat. Anno 1717 apud Urbinatec doctoratûs laureâ condecorabatur. Romam reducem Passioneus , Vir primæ apud Clementem admissionis, comitabatur. Anno 1719. Pontificiorum Memoriaum Expeditor factus , arduo muneri undequaque satisfaciebat. Anno 1720. Melitensem Commendam magnorum redditum in Monte Flasconis obtinuerat. Eodem Anno Nuntius Pontificis destinabatur , qui Viennam regiam Austriæ Urbem iret. Eum abeuntem Clemens XI. Pontificia Benedictione imperiebat. Cæsar Sacræ Romæ semper Studioſissimus , quam ægrè Georgium Spinolam Chariflimum caput , à se dimittebat ; tam vehementer postea in Alexandri amores effundebatur. Pro Commachio Sacræ Sedi restituenda , præclarus ille Nuntius vehementer instabat. Verùm cœptam telam , ad Purpuræ videlicet honorem brevi postea , evocatus , absolvere non potuit. Nam Innocentius XIII. Clementis Successor inter primas Sacri Regiminis sui curas habebat, ut hoc Sydus tot virtutibus inclarescens , in Romanorum Purpuratorum fulgidissimum cælum transponeret. Ipse etiam Imperator , præclaris Viri dotibus eximiè captus , utilissimam Sacræ Republicæ operam à se impendi credebat , si Clementis XI. dignissimum nepotem Augustissima manu pro purpurâ recommendaret. Eam itaque Alexander Albanus à Prædicto Innocentio XIII. Anno 1721. die 16. Julii obtinuerat , summo Romanorum , Albae Domîs , & Urbinatum applausu. Tunc quidem octo & viginti annos , in Sacro Purpuratorum Collegio omnium natu minus numeraverat ; sed promicans ex eo Sapientia supra ætatem erat. Et qui cum prima lanugine Purpuram meritus est , in profectiori ætate Gloriosissimi Patrui solium , est , cur suffragante sapientia sperare possit. Amavit Ecclesia Clementem , cuius vel ipsum nomen ad amorem omnes provocavit. Amabit Annibalem , strenuum Herœm in Sacræ Romanae Ecclesiæ juribus fortiter tuendis. Ampletetur Alex-
xandros , quarumcunque difficultatum nodos ancipiti
Sapientiæ gladio dissoluturos.

